




[www.BibleForChildren.org](http://www.BibleForChildren.org)


# उत्पत्ति 1




सुरुवात में, जब परमेस्वर स्वर्ग  
और पृथ्वी कै बनाई, . . .



... पृथ्वी सुनसान और उजाड़  
पड़ी रहै। और अथा गहरे पानी के  
ऊपर अंधियारो रहै, और  
परमेस्वर को आत्मा पानी के ऊपर  
मँडरात रहत रहै।



तौ परमेस्वर आग्या दर्ई, “उजियारो हो” और उजियारो ही गौ। और प्रभु उजियारे कै “दिन” और अंधियारे कै “रात” नाओं दर्ई। संजाखिन को समय बीतो और भोर भौ-ऐसे करकै पहलो दिन पूरो हुई गौ।



फिर परमेस्वर आग्या दर्ई, “कि पानी के बीच मैं दुई हिस्सा बनकै वायुमंडल बन जाबै, ताकि पानी से अलग हुई सकै।” प्रभु वायुमंडल को नाओं “आसमान” रखी। संजाखिन को समय बीतो और भोर भौ-ऐसे करकै दुसरो दिन पूरो हुई गौ।



परमेस्वर आग्या दर्ई, “आसमान के नीचे को पानी सब एक जघा मै जुराए जाबै, कि सूखी जमीन दिखाई देबै” और बैसिये हुई गौ। बौ जौ सूखी जमीन को नाओं “पृथ्वी” रखी, और जो पानी जुरानो भौ रहै बाको नाओं “समुंदर” रखी। और परमेस्वर देखी, कि बौ अच्छो है।



तौ परमेस्वर आग्या दर्ई, "पृथ्वी" से सब तराहनी के पेंड-पौधा जमैं,  
चाँहे अन्न पैदा करन बारे होमैं, चाहें फल लान बारे होमैं और बैसोई ही  
गौ। संजा बीती भोर भौ-ऐसे  
करकै तीसरो दिन हुई गौ।




तौ परमेस्वर प्रभुता करन के ताहीं दुई जोती बनाई दिन  
के ताहीं सूरज, और रात में प्रभुता करन के ताहीं  
जोनी; और तारा भी बनाई। संजा बीती  
भोर भौ, ऐसे करके चौथो दिन हुई गौ।



परमेस्वर फिर कही, “पानी, कई  
तराहनी के जिंदे प्राड़िन से भर जाबै,  
और आसमान तमान तरहन के  
पक्खिन से भर जाबै।” संजा बीती और  
भोर भौ-ऐसे करकै पाँचमों  
दिन हुई गौ।




तौ परमेस्वर फिर आग्या दर्ई, पृथ्वी के जीव जन्तुन कै अपनी जाति के  
हिसाब से सब तराहनी के पैदा हुई जामैं मतलब पालतू जानवर,  
नेंगनबारे जन्तु और जंगली जन्तु पैदा होमैं - और बैसोई भौ।



फिर परमेश्वर कही, “आबौ हम इंसान कै अपने स्वरूप और समानता के हिसाब बनामैं; ताकि बे समुद्र की मच्छिन, और आसमान के पक्छिन, और पालतू जानवर, और बन जानवर, और पूरी पृथ्वी में सब नेंगनबारे जन्तुन में, उनके ऊपर अधिकार रखैं।” परमेश्वर जो सब कुछ बनाई रहै, और बौ जौ देखकै कहथै कि अच्छो है। संजा बीती और भोर भौ-ऐसे करकै छठमों दिन बीत गौ।



तौ प्रभु परमेस्वर इंसान कै अदन की बगिया में खेती करन और बाकी देखरेख करन के ताहीं रखी।



और परमेस्वर इंसान कै आग्या  
दर्ई, "तैं बगिया के कोई से भी  
पेंड को फल खाए सकथै;  
लेकिन बौ पेंड को फल जो  
भले-बुरे के ग्यान को है। तैं बौ  
पेंड के फल कै कहुए मत खइये।  
और अगर ऐसो करैगो तौ तू बहे  
दिन पक्का मर जागो।"



बौ आदमी सब तरहन के पालतू जानवरन, और आसमान के पक्खिन, और सबै तराहनी के जंगली जानवरन को नाओं रखी; लेकिन इंसान कै उनमैं से कोईये भी अपने ताहीं सहायक नाय मिलो जोसे बौ मेल खाए सकै।



तौ प्रभु परमेस्वर बौ आदमी कै गहरी नींद में सुबाए दई, और जब बौ आदमी सोत रहै, तौ परमेस्वर बौ आदमी की एक पुसरिया निकारी और बाकी जघा में बामैं माँस भर दई। प्रभु परमेस्वर बौ पुसरिया से जो बौ आदमी से निकारी रहै, बासे एक बर्डय्यर बनाई; और बौ बाके झोने लै आई।



जहे बजह से आदमी अपने अईय्या-दऊवा कै  
छोड़के अपनी बईय्यर से मिलो रहेगो, और बे  
एक तन में बने रहेंगे।



काहैकि परमेस्वर जौ दुनिया से ऐसो प्यार करी  
कि बौ अपनो इकलौतो लौड़ा दै दर्ई, ताकी जो  
कोई बाके ऊपर बिस्वास करै, बौ नास ना  
होबै, बल्किन अनंत जिंदगी पाबै।



रोमियों 3:23

तभईये सबै पाप करीं हैं और परमेस्वर की महिमा से दूर हैं,

रोमियों 6:23

पाप कि मजदूरी तौ मौत है, लेकिन परमेस्वर को वरदान हमरे प्रभु मसीह ईसु में अनंत जिंदगी है।

इब्रानियों 9:27

और जैसी इंसानन के ताहीं एक बार मरनो और बाके बाद न्याय को होनो ठहराओ गौ है।

इफिसियों 2:8,9

काहैकि बिस्वास के अनुग्रह सेई तुमरो उद्धार भौ है; और जौ तुमरे करमन से नाय है, बल्किन परमेस्वर को दान है, और ना करमन के बजह से, काहैकि ऐसो नाय होबै कि कोई गुमान करै।



रोमियों 10:9,10 कि अगर तैं अपने मोहों से ईसु कै प्रभु मानकै अंगीकार करै मतलब ईसु कै प्रभु मानिये लेबै और अपने मन में बिस्वास करकै कि परमेस्वर बाकै मरे भैन में से जिंदो करी है, तौ तू सच्ची में उद्धार पायगो। काहैकि धार्मिकता के ताहीं मन से बिस्वास करो जाथै, और उद्धार के ताहीं मोहों से अंगीकार करो जाथै।

यूहन्ना 3:16,17 “काहैकि परमेस्वर जौ दुनिया से ऐसो प्यार करी कि बौ अपनो इकलौतो लौड़ा दै दई, ताकी जो कोई बाके ऊपर बिस्वास करै, बौ नास ना होबै, बल्किन अनंत जिंदगी पाबै। परमेस्वर अपने लौड़ा कै जौ दुनिया में जाके ताहीं नाय पनारी, कि बौ दुनिया में न्याय करै, बल्किन जाके ताहीं पनारी कि जौ दुनिया में बाके जरिये उद्धार पायें।

1 यूहन्ना 5:11-13 गभाई जौ है: परमेस्वर हमें अनंत जिंदगी दई है, और जौ जिंदगी बाके लौड़ा में जाको स्रोत है। जोके पास भी लौड़ा है बाकी जिंदगी है; जोके पास परमेस्वर को लौड़ा नाय है बाके पास जिंदगी नाय है। मैं जौ तुमकै तभईये लिखरौ हौं ताकी तुम जान सकौ कि तुमरे पास अनंत जिंदगी है, तुम जो परमेस्वर के लौड़ा के नाओं के ऊपर बिस्वास करथौ।



# उत्पत्ति 1-2

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: Bob Davies, Tammy S.

Rana Tharu Bible (thr) ©The Word for the World  
International and Rana Tharu Translation Samithi, Khatima,  
UttraKhanda, India. 2025

<https://www.bible.com/bible/4065/MAT.1.RTU2025>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

